

Gertakizun polit bat  
behin Asturiasen  
ez dakit guziekin  
gogorako naizen  
lagun bat eta biok  
andrekin hain zuzen  
sagardotegi baten  
afaria baitzen  
numero dotoreak  
ikusit ginuzen.

Kupela, kupela  
sagardoan hotela  
kupela, kupela  
zaindu ezak horrela.

Talde bat osatu zen  
mutil ta neskatxa  
festan pasa nahi zuten  
gurekin arratsa  
tragotikan tragora  
ze nolako martxa  
sagardoan daukate  
afizio latza  
gehiegi eran genduen  
hori zen akatsa.

kupela, kupela...

Herrialde denetan  
ohitura badira  
esneakin juan ziren  
sagardotegira  
handikan basoka bana  
ohituren neurritan  
gero sagardoari  
txotxetikana tira  
barrez egon nintzaizen  
albotik begira.

Kupela, kupela...

Lehenen esne tragoa  
ohitura bezala  
esan nien ez al zen  
edari makala  
sagardoan hobeto  
asentatzen zala  
nahiz geroagoan  
ez zen izan hala  
hiru ordu baino lehen  
egin zuen txahala.

Kupela, kupela...

Leku berrira zen ta  
joan ginen pozak  
festarako gera gu  
mutil aproposak  
geurea aitortzeko  
zertan egon lotsak  
sarri ireki ziren  
ziri edo zotzak  
bapo kendu ginuzen  
hanketako hotzak.

Kupela, kupela...

Umorez jarri ginen  
ondorenean zer  
erderaz bertsoetan  
lo que hace el beber  
inguruko jendeak  
barrez egin zun leher  
erretiratu ginen  
emazteei esker  
txispatu ginen baina  
ez zen pasa ezer.

Kupela, kupela  
sagardoan hotela  
kupela, kupela  
zaindu ezak horrela  
kupela, kupela  
sagardoan hotela  
kupela, kupela  
bete zaigu sabela.